

Mahere Aromatawai: Te Reo Rangatira 92076

1.4 Te whakamārama i ngā āhuatanga motuhake o tētahi momo reo kua ākona

Kairangi	Kaiaka	Paetae
Ka tōtōpū te whakamārama i ngā āhuatanga motuhake o tētahi momo reo kua ākona.	Ka hōhonu te whakamārama i ngā āhuatanga motuhake o tētahi momo reo kua ākona.	Ka whakamārama i ngā āhuatanga motuhake o tētahi momo reo kua ākona.

Te Taunaki i te Aromatawai:

Kairangi	Kaiaka	Paetae
<ul style="list-style-type: none"> • He mārama te whakaahua i te whānuitanga o ngā āhuatanga motuhake o te momo reo, ā, ka taunakitia ki: <ul style="list-style-type: none"> ○ ngā hiahia o te kaituhi, ○ te kaupapa o te tuhinga/kōrero, ○ te take o te kōrero (te āheinga reo, arā, te take e whakapuakina ai tētahi kōrero). • Ka tuhi i ngā tohutoro mō ngā puna nō reira mai ngā tauira. 	<ul style="list-style-type: none"> • Ka matapaki i te whaihua o ngā āhuatanga motuhake o te momo reo. • He whānui ake te whakaahuatanga kia kōrerohia ai ngā hua (pai, kino rānei), me ngā pānga o te momo reo ki te kaiwhakarongo, ki te kaipānui, ki te kaimātakitaki rānei. • Ka whai whakaaro te ākongā ki ngā pātai pēnā i te 'me pēhea', me te 'he aha ai'. Ka whai whakaaro anō hoki te ākongā ki ōna ake wheako. 	<ul style="list-style-type: none"> • He māmā te kite i te mārama o te ākongā ki ngā āhuatanga motuhake o te momo reo. • Ka whakamahi, ka whakatauirā rānei i ngā āhuatanga o te tuku kōrero ā-waha, ā-tuhi rānei, ki te kōrero i te āhua o tētahi mea.

<p><i>Hei tauira:</i></p> <p><i>Ki a au anō, e hiahia ana te kaiwhakataki o te kiriata nei, a Rangī Mātāmua, kia mōhio ai mātou te hunga mātakitaki ki te whakapapa o te ingoa o Matariki me ngā kōrero tuku iho mō te pakanga a Tāwhirimātea ki ngā atua. Nā tana tupuna a Rāwiri Te Kōkau ēnei kōrero i tuhituhi ki tētahi pukapuka, ā, nā Rangī Matamua i tohatoha ki te ao whānui. Ko tāna, “Hei tā Te Kōkau, he whakarāpopototanga te ingoa o Matariki i te kōrero, Ngā Mata o te Ariki Tāwhirimātea”.</i></p>	<p><i>Hei tauira:</i></p> <p><i>Ko tētahi āhuatanga o te kiriata i pai ki ahau ko ngā pakiwaituhi mō te pūrākau o te wehenga o Ranginui me Papatūānuku me te pakanga a ngā atua. I pai ki ahau nā te mea i tautoko ngā pakiwaituhi i ngā kōrero a te kaiwhakataki, ā, i māmā ake ki a au te whai i te ia o te kōrero nā te mea i reira ngā pakiwaituhi ki te whakaauaha i te pūrākau.</i></p>	<p><i>Hei tauira:</i></p> <p><i>Ko te pūtake o tēnei kiriata he whakamārama i te takenga mai o te ingoa o te whetū a ‘Matariki’. Ko tētahi o ngā whakaaro matua o te kiriata ko te nguha o Tāwhirimātea i te wehenga o Ranginui rāua ko Papatūānuku e Tāne Māhuta. Kīhai a Tāwhirimātea i whakaae kia wehea ōna mātua, nā reira ia ka huri ai ki te patupatu i ōna tēina me ōna tuākana. I te mutunga iho i hinga a Tāwhirimātea i a Tāne Māhuta, ā, ka rere atu ia ki te rangi noho ai. I tana riri ka tīkarohia e ia ōna kanohi, ka kōnatunatu ai, ka panga atu ki te rangi – koia te takenga mai o te ingoa o ‘Matariki’.</i></p>
---------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------	-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------	--------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------